



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTA 0022051 22
Sarajevo, 02.10.2024. godine

Na osnovu člana 35. stav 2. tačka e) i člana 216. stav 3. ZKP-u BiH donosim sljedeću:

NAREDBU
o nesprovođenju istrage

Neće se sprovoditi istraga po [REDACTED], koje je ujedno i Krivična prijava [REDACTED], podnesene protiv [REDACTED], a zbog navodnog širenja govora mržnje u [REDACTED], jer prijavljeno djelo nije krivično djelo.

Obrazloženje

Dana 22.02.2022. godine Tužilaštvo BiH zaprimilo je [REDACTED], kojim se traži [REDACTED] a koje je u prilogu Dopisa i dostavljeno.

U nevedenom [REDACTED] podnosilac traži izjašnjenje Tužilstva o pokretanju postupka kaznene odgovornosti po službenoj dužnosti za [REDACTED], te navodi da je [REDACTED] širio govor mržnje [REDACTED], govoreći o nacionalnim simbolima [REDACTED], uz izražavanje velike količine mržnje prema jednom narodu i sredini, pozivajući na nasilje, dok je isto [REDACTED] propustio da spriječi solidarišući se tako sa iznesenim, a sve u vezi teme [REDACTED]

Postupajući po navedenom [REDACTED] odnosno krivičnoj prijavi, Tužilaštvo je putem Državne agencije za istrage i zaštitu BiH pribavilo videosnimak [REDACTED], te je analizom istog utvrdilo da u jednom dijelu [REDACTED] postoji neprimjereno izražavanje [REDACTED] u opisu [REDACTED] kao [REDACTED], uz izražavanje nade imenovanog u smjenu vlasti od strane stranih zvaničnika, ali da se u navedenom nisu stekla bitna obilježja krivičnog djela Izazivanje nacionalne, rasne i vjerske mržnje, razdora i netrpeljivosti iz člana 145a. KZBiH.

Članom 145a. KZBiH propisano je da krivično djelo Izazivanje nacionalne, rasne i vjerske mržnje, razdora i netrpeljivosti čini onaj ko javno izaziva ili raspiruje nacionalnu, rasnu ili vjersku

mržnju, razdor ili netrpeljivost među konstitutivnim narodima i ostalima, kao i drugima koji žive ili borave u Bosni i Hercegovini, te onaj ko javno podstrekne na nasilje ili mržnju usmjerenu protiv grupe osoba ili člana grupe određene s obzirom na rasu, boju kože, vjeroispovijest, porijeklo ili nacionalnu ili etničku pripadnost itd.

U konkretnom slučaju prijavljeni je koristio neprimjerene komparacije, ali u okviru političkog govora u predizbornoj kampanji. Pri tome se ne može zaključiti da postoje elementi krivičnog djela, odnosno postojanje mržnje niti namjera javnog raspirivanja iste.

Za postojenje djela nužno je da se izazivanje ili raspirivanje navedene mržnje ili razdora vrši u odnosu na konstitutivne narode ili ostale koji žive u BiH. Mržnja se definiše kao spremnost da se drugome nanese neko zlo, odnosno pobuda za činjenjem krivičnog djela, a koja je u cjelini ili djelomično zasnovana na nacionalnom ili etničkom porijeklu, vjerskim uvjerenjima i dr. diskriminatornim osnovama. Razdor se izražava u razdvojenosti, izolaciji ili negiranju solidarnosti, a netrpeljivost kao osjećanje koje se izražava u neprijateljskom, odbojnom i netolerantnom stavu jedne nacionalne, rasne ili vjerske grupe lica prema drugim grupama. Raspirivanje mržnje u smislu člana 145a. KZ BiH pretpostavlja postojanje mržnje u manjem intenzitetu, kao latentnog stanja, koje se preduzetim radnjama dodatno intenzivira. Radnja izvršenja posmatra se kroz posljedice, odnosno potrebno je da su preduzete radnje kojima se stvara ili produbljuje mržnja, odnosno posljedica preduzetih radnji treba da je takva da kod javnosti stvori osjećaj potrebe za preduzimanjem nekih društveno neprihvatljivih radnji, a što se u konkretnom slučaju u periodu nakon sporne emisije nije desilo jer nisu prouzrokovane štetne posljedice već se navedeni govor može tumačiti jedino kao neprimjeren govor i nema obilježja krivičnog djela iz člana 145a. KZ BiH,

Imjući u vidu navedeno u skladu sa članom 216. stav 3. ZKP BiH donijeta je odluka kao u dispozitivu ove naredbe.

O nesprovođenju istrage, kao i o razlozima za donošenje Naredbe o nesprovođenju istrage, Tužilaštvo Bosne i Hercegovine će, shodno članu 216. stav 4. Zakona o krivičnom postupku BiH, obavijestiti podnosioca prijave.

Podnosilac prijave ima pravo podnošenja pritužbe Kabinetu Glavnog tužioca u roku od osam (8) dana.

**TUŽILAC
TUŽILAŠTVA BIH**